



URRUZUNOTARRAK GEHITUZ 2020 **Literatura-lehiaketan parte hartzeko oinarriak**

1.- Ondoren zehazten diren mailetakoko ikasleek parte har dezakete:

- A kategoria (Batxilergoko 1. eta 2. mailak edo Erdi Mailako Heziketa Zikloak).
- B kategoria (DBHko 3. eta 4. mailak).

2.- Bi arlo izango dira: prosa eta poesia.

3.- Literatura-lanek euskaraz idatziak eta originalak izan behar dute, lehiaketa honetan izena emateko epea itxi arte bestelako literatura-saririk irabazi gabeak. Baldintza hauetakoren bat bete ezean, lehiaketatik kanpo geratuko da egilea, horretarako Hezkuntza Saileko Euskara Zerbitzuak berariazko erabakia hartu eta gero. Epaia argitaratu eta gero, frogatuko balitz saritutako lanen batek ez duela baldintza horietako bat betetzen, jasotako sariak itzuli egin beharko ditu egileak. Lanak bakarkakoak izango dira bi arloetan, eta gaia librea izango da.

4.- Lanen neurriak hauek izango dira:

Prosa:

- A kategoria: 5000-15000 karaktere, 1,5eko lerroartearekin (3 eta 8 orrialde bitartean, 12ko hizkiarekin).
- B kategoria: 4000-12000 karaktere, 1,5eko lerroartearekin (2 eta 6 orrialde bitartean, 12ko hizkiarekin).

Poesia:

- A kategoria: gutxienez 75 lerro (Olerki bat baino gehiagok osa daitezke).
- B kategoria: gutxienez 50 lerro (Olerki bat baino gehiagok osa daitezke).

5.- Lanak eskabide-orriarekin batera aurkeztuko dira, word edo pdf formatuan, ondoko helbide honetan:

https://www.euskadi.eus/saria_lehiaketa/2020/urruzunotarrak-gehituz/web01-tramite/eu/

Lanaren lehen orrialdean lanaren izenburua, egilearen izengoitia, arloa eta kategoria jarriko dira soil-soilik. Ez jarri egilearen izen-abizenik lanean bertan.

6.- Eskabidea egiteko epea **2020ko urtarrilaren 13tik otsailaren 28ra artekoa** izango da (biak barne).

7.- Aurkezten diren lan guztietatik, hogeita hamar (20) lanik onenak aukeratuko dira; hamar (10) kategoria bakoitzean (5 prosa-lan eta 5 poesia-lan). Aukeratutako lan horiek sarituak izango dira.

8.- Hezkuntzako sailburuordeak idazlanak aztertu eta sariak nori eman proposatzeko epaimahaia izendatuko du. Epaimahaia sortzean, Emakumeen eta Gizonen berdintasunerako otsailaren 18ko 4/2005 Legearen 20.5 artikuluan agindutakoari jarraituz, bermatu egingo da trebakuntza, gaitasun eta prestakuntza egokia duten emakumeen eta gizonen ordezkariak orekatu izango dela. Aipaturiko epaimahaia literatura edota irakaskuntzan nor diren euskal kulturaren munduko bost kidek eta Hezkuntza Sailburuordetzako bi lagunek osatuko dute.

9.- Idazlan onenak aukeratzeko, ondoko irizpideak izango ditu kontuan epaimahaiak:

- Sorkuntza eta irudimena.
- Testuaren ezaugarri literarioak.
- Idazlanaren arintasuna eta lotura.
- Hizkuntzaren erabilera zuzena eta aberastasuna.

10.- Epaimahaiak lanik onenak zein diren erabaki eta hilabeteko epean bikaintasun-aipamen hori merezi dutenei berariaz jakinaraziko zaie, irabazle izan direla.

11.- Epaimahaiaren ustez, aurkeztutako lanek gutxieneko mailarik ez balute, sariak eman gabe utzi ahal izango dira. Hala gertatzen bada, kategoria edo arlo batean eman gabe utzitako sariak beste kategoria edo arlo bati esleitzea erabaki dezake epaimahaiak, beste arlo horretan saria merezi duten bost lan baino gehiago baldin badaude.

12.- Saritutako lanen egileek bost eguneko egonaldian parte hartzeko aukera izango dute. Egonaldian, idaztearekin zerikusia duten lanketak egiteaz gain, hainbat euskal artista gertu-gertutik ezagutuko dituzte, baita Euskal Herriko zenbait leku ere. Gazteek laguntzaile izango dute, uneoro, euskal idazle bat.

13.- Hezkuntza Sailak liburu bat argitaratuko du saritutako lanekin, bilduma gisa, *Sagastiberri* sailean.

14.- Datu Pertsonalak Babesteari buruzko abenduaren 5eko 3/2018 Lege Organikoak eta Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzko otsailaren 25eko 2/2004 Legeak xedatutakoa betez, deialdi honen tramitazioan jasotako datu pertsonalak, parte-hartzaileek erabiltzea eta argitaratzea baimenduko dituztenak, «URRUZUNO» deritzon fitxategian jasoko dira. Fitxategi hori 2010eko urriaren 4ko Aginduak (EHAA, 2010/10/05), Hezkuntza, Unibertsitate eta Ikerketa sailburuarenak, arautzen du, eta bere helburua deialdi honetako dirulaguntzak eta deialdi honekin zer ikusia duten beste edozein prozedura edo espediente administratibo kudeatzea da batetik, eta deialdi honetara aurkezten diren pertsonak deialdiaren garapenari buruz informatzea bestetik. Aldez aurretik, Datuak Babesteko Agentziari eman zaio horren berri, eta datuen segurtasun osoa bermatzeko behar diren segurtasun-neurriak ezarrita ditu. Fitxategiaren datuak, bestalde, ez zaizkie beste pertsona batzuei jakinaraziko, legeak bideratutako kasuetan izan ezik.

Fitxategi horren arduraduna Hezkuntza Sailaren Hezkuntza Berriztatzeko Zuzendaritza da. Sarbide-, zuzenketa-, ezabatze- eta aurkatze-eskubideak erabiltzeko Hezkuntza Berriztatzeko Zuzendaritzara jo beharko da, helbide honetara: Donostia kalea 1, 01010 Vitoria-Gasteiz.